



~~CHINESE~~
57
5


THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

TA 1980.2/50

五
五







論靈魂生命貴於珍寶美物

救主曰蓋一人若得普天下之好而喪自己之命則有何益乎又其將如何而換厥命也。

宇宙內世間之上萬樣美物人之所用固然而用之則用惟不可畱戀於美物而棄善德也。蓋人苟以心獨一貼從於萬物者即人被萬物所誘矣。夫天下之美物有巨細精粗有珍寶奇玩物物有用樣樣精奇種種之妙不能勝數苟或以盡天下之珍寶美物統歸於一人之手則其必自爲心足意願矣。倘或得之

馬竇篇十
六章廿六
節



亦不過享受數十年之久，不出百年之外，死過之後，不知歸誰之手。故生時因爲美物而死，則爲空矣。是以獨嗜世上之物，而不肯敬信福音之道，不尊崇神，天不修善修德，不顧靈魂生命之救而失之者，且其各珍寶物能贖救你靈魂之生命乎。人到了死日，雖有天下之尊貴，天下至寶之物，則亦不能相換生命半個時候矣。故救世主降世，特發此言勸人及早遵信救世福音之道，存心修德，勿空度光陰。蓋世上至尊至貴之位，比不得人靈魂之生命。得救若失之，則有永遠之禍。且過此生命限定。

之時、欲悔前惡、悔之不及、而欲改前非、改之亦不能矣。夫人之
生死、孰能預知其死之時、且看一年之終、老年之人、固然有死、
而中年者、死亦不少矣。故人之生死、弗能定其長久、務要悔罪
信救主、修善積德、預備之、則爲福矣。豈可以至貴重靈魂之生
命、付之不聞、而把世上之虛物、當爲重哉。蓋人修心養性、作善
畜德、乃本分當然之理、行之久已、不倦、則自然而然、且死期若
至、乃順命而受之、則生亦安、死亦樂矣。

論世盡審判、必先判斷神天信徒之家、後判不順神天之

人

聖保羅曰蓋吾輩皆必當基督之審臺、以使各獲本身所行照其善惡之報、

此聖保羅言云蓋天燒地滅世界窮盡萬物完畢已到之時而萬國上中下三等之人民聚會在於一處聽候救世主耶穌審斷各國之人在世界之上日夕所行善惡之事此時必先審斷明知救世福音之道獨拜神天上帝之家知善惡有永福永禍之人蓋伊等因已信救世福音之道而知有個寶貝靈魂之生

可林篇一
書四章十
七節

命、且有今世來生永遠之禍福、若明知誠律的賞罰、而故意犯
罪者、罰必增加、惟遵誠律而存心奉事神天、恆守善義者、賞以
安樂永遠之福、且其信從救世福音之道、明知而弗行者、固罪
不容誅、又其已聽知救世福音之道、而固積惡意、不肯敬信之
者、其之罪亦必重究而罰之、不能赦恕矣。然而既信從救世福
音之道、尙要日夕留心、遵守而行、纔得安樂之福、否則永禍必
加、罰之無窮矣。且凡不遵敬神天、不信救世福音之道、不顧靈
魂、不修善德、孜孜然惟慕惡逆者、如此之人、將來死了之時、過

世而去、入陰間之際、則沒苦禍可受、另投胎復生出世爲人乎。
抑投胎而出世爲禽獸乎。誠非如是也。蓋人死後善惡已定、審
斷判明、賞罰必加、恆守福音之道者、賞其得永遠安樂之福、惡
逆不肯遵信福音之道、而任意行惡者、罰其永受常久之苦禍、
並無半善半惡之人、亦無半賞半罰之理、蓋審斷明白、不是善、
卽是惡、惟善惡有大小、而賞罰有輕重也。且人生時之行作、雖
然只任自己之糊塗、而於來生、神天令救世主審斷人之時、必
不苟且而判之、獨照人善惡之行爲、審判而已矣。

論神父愛世人特賜聖子降世

救世主曰蓋神愛世致賜己獨子降世使凡信之者不致沈
忘乃得永常生也。

此若翰引救世主之言云世界上萬國之人皆是神天造生而
保養的、本來稟受神天賦以仁義禮智信之靈心、但皆因有本
來之惡性、而惡意由斯而生、第因自少至壯、日夕出入、又看着
父母之行藏、或看外人之舉動、聽聲觀色、以致被外物誘惑、習
染成性、惡意日增、而仁義禮智之靈漸滅、若長大壯立之時、不

若翰福音
第三章十
六節

加省察善惡是非者、則惡意愈勝、而仁義禮智之靈亦泯滅矣。
以致善惡不能分、甚致作惡反爲美、而善事反爲辱矣。是以父
傳惡樣與子、而子亦傳惡樣與孫、代代相傳、世世相習、故至今
滿世界之人、善者甚少、而爲惡不已者、恆河沙之無數、殊此世
上之人、如此惡逆、本該受滅之、而神天不忍、就滅盡、乃仁愛憐
恤世上之人、致賜其子降生世上、卑屈爲人、將救世福音之道、
宣講教訓世上之人、開導善義之路、復歸於正道之上、又知有
個寶貝靈魂之生命、常生不滅之義、真道宣明、授徒傳世、又情

愿替代世人受了天父該落世人之怒百般至艱難之苦、釘死
在十字架之上、而贖世人之罪、救世人出罪惡之中、以致世上
之人、凡各知自己之罪、若能悔改其惡、信從救世主代贖罪之
功勞者、准以得諸罪之赦、不致沈忘於地獄之永苦、永禍、乃得
永常生之安樂於世世焉、神天上帝以救世主耶穌代贖罪、救
世人之恩、恤憐之至、仁愛之極、而今常生之路已通、安樂真福
之境、亦曉諭之、使你們世上之人、可知之而逃避地獄之永苦、
乃存心修善積德、仰獲常生安樂之福、豈不美哉。若執迷不醒、

膠固於世俗之惡者、自害己靈魂生命之甚矣、

論人認罪神天上帝則公道赦免

聖若翰曰、吾儕謝罪神則誠實公平以赦吾儕之罪、及淨我們去諸不義之處、

此若翰之言云、普世之人、大概論之、人人俱已獲罪於神天上帝、沒一人能說無罪、夫人雖有尊卑上下不等、惟論犯罪者尊卑亦有犯之、但獲罪有輕重、而作惡有大小不同耳。苟能可以知自己之罪、痛悔遷改、謝認求免、信從救世主耶穌之道、遵守

若翰篇一
書一章九
節

而行之者、神天上帝必因救世主耶穌代贖罪救世人之功勞、誠實公平而赦恕之、蓋神天上帝宰治賞罰之權、若論赦人之罪、出命便能赦恕、且何以算爲誠實公平而赦之乎。此論勢位而言之、則能白白而赦人之罪、若論公義之法、則不能廢公義而白赦人之罪、若不以公義之法而賞罰、則天地宇宙之內、若大之世界、何以能宰制之乎。故神天上帝定以救世主耶穌曾替代世人受難受死、已贖世人之罪、使凡知罪悔改自新而敬信救世主耶穌、爲代贖罪之恩者、神天上帝因救世主耶穌之

功德纔肯誠實公義赦恕人之罪准其改過自新遵守救世福音之道而行纔得靈魂生命之救若人不知自罪不肯悔改自新不信救世主耶穌代贖罪之恩則以何樣功德望求諸罪之赦乎是以神天上帝雖然施公義之恩赦免人之罪且人不肯謝認自罪者亦不能得赦乃係自暴自棄陷害自己靈魂生命之甚矣。惟虛心自知有罪而倚賴救世耶穌代贖罪之功德而求諸罪之赦者皆獲神天上帝之恩寵而得赦恕之更獲聖神風之恩暗助除去諸般不義之事而爲善義之人存心修德保

養靈魂之生命、仰獲來生永遠安樂之所在、頌讚神天上帝之
鴻恩、於無窮無盡之世世焉、心願正是。

論人謙心納受福道可能得靈魂之救

聖者米士曰、蓋人之怒、非行神之義、故此棄諸污穢戲弄之
事、而以謙遜納接駁言、可能救爾靈魂者、

此者米士之言云、人生血氣之怒、不可有理義之怒、不可無、但
紛紜於俗務、此去彼來、日夕互相交往、豈無反目瞋怒、然怒不
可遷而增其怒也。蓋怒於甲者、不可怒於乙、夫若藏怒於心、則

者米士篇
一章二十
廿一節

志氣必不順。如志氣有不順，則胸中乖戾，齷齪悖逆，焉能恆存真道之義哉。蓋真道不能存，而惡逆必生，是豈能行神天之道義乎。是以欲恆守神天真道之義而行者，固當棄除諸般污穢，邪淫褻瀆之氣，戲謔巧弄奸猾之心，與夫一切虛言狂妄浮游之語，異端誕幻無根之談，盡然驅除掃滅之務，懷謙虛遜順潔淨之心，和緩涵養靈魂之志，則可以納接駁生救世真道福音之言，拘之存養於心，守之謹行於外，日累月積，行之不厭，樂之不倦，內外範圍固守之，則救世真道福音之言，恆常長根固結。

於心根固而理傳、從此生枝放蕊、結實成功、只待獲收其果、而
且道德並進、善義日新、滋養靈魂、自有至樂之美、則寶守而勿
失之、是謂能救靈魂之基、固結長生之業、苟能恆心遵守、救世
真道福音之言、竭力而爲善義者、則靈魂必得救、而來生永遠
之真福、亦在其中矣。豈謂徒然不遵之者、而惟可望得靈魂之
救哉。

論神千年如一日 一日如千年

聖彼多羅曰、但愛輩不爲不明此一件、卽一日在主乃如千

年又千年如一日。

彼多羅篇
二書三章
八節

此彼多羅之言云最愛之兄弟乎、你們最要留心於此事、蓋我
們在世界之上、了期甚速、一日之終、有十二個時辰、一年之盡、
亦有十二個月、且一千年之內、豈不是有一萬二千個月乎。以
人論之、卽有許久之日期了、然在神天看一千年之久、就如一
日之內、又一日之終、亦是略似千年之時候矣。因神天乃係自
永遠至於永遠之神、常在天之上、宰制督理世間上萬國各人
日夕之善惡、凡人行善行惡、皆記錄之、故彼多羅發此言、欲人

務要及早存心敬信救世主代贖罪之恩、修善積德、倚賴救世主之功勞、可得諸罪之赦、而望靈魂得救、切勿畱心貪戀於世俗之物、總不思想死後來生靈魂長遠之禍福、且人之生死不定於何時、若死在未悔罪改惡之先、則有永禍之苦、死在知罪悔改之後、則有永福可享、故預備之則爲美也。何以言之、蓋世上之事、最久不出百年之外、而來生靈魂之禍福、乃無窮無盡之世代、譬如盜賊在於深夜來偷竊一般、因不知盜賊在何時來偷竊、若不隄防預備、必被盜賊偷了各物、受其之害矣。倘畱

心時刻關鎖門戶、堅固牆壁、盜賊雖來、亦無礙矣。人之生死、亦由是也。關防門戶、預備賊來偷竊、則不懼怯、悔罪改惡、敬信救世主、愛敬天父、積善修德、預備死之忽至、則無憂而有樂也。此段道理包在兩端、一是論人死之日、不知在於何時、故要積善、工行善事、而預備之、誠恐不及也。一論蒼天厚地、萬物亦有窮盡之日、但不知在於何時、世代因神、天以千年如一日、而一日亦是千年、或長久而至、或瞬息而來、不能定其時候矣。蓋世界被滅之後、萬國之人、必受審判、爲善者、其靈魂獲享永福、惟作

惡者、其之靈魂必受永苦、是以賞罰雖然在於神天、亦由人自作善惡而定之、故人生時禍福不定、惟悔改可以預備之、而死後則定之、不能更移矣。

論神無所不在、弗居於人手所建造之廟

聖保羅曰、神乃作天地萬物者、其爲天地之主、弗居於人手所造之廟、

此保羅之言云、世界上之人、失了真道本源、世俗訛傳、做出無數之神佛、日夕奉事之、以爲本該當的事、只爲人心不古、秉彝

使徒行篇
十七章廿
四節

遂失父子相傳、世情相習、彼此不肯追究來歷、只隨着衆人的
規矩、則爲安樂歡喜之極矣。間或有能分辨者、亦厭然而媚於
世俗也。殊不知眞所謂神者、本來造化天地萬物、及世界上萬
國之人、皆係眞神造生保養的、神爲天地人萬物之大主、無所
不能、無所不知、無所不在、永遠管理世界之上、宰制萬國之人、
不是居住於人手所造之廟、蓋眞經曰、天乃神之座位、地乃神
之脚凳、且萬國萬物皆由神天而出、其無所需何樣之物、而非
以人手所造之物、則爲尊崇敬之者也。蓋世人之生命、一呼一

吸亦係神天所賦與之、卽日用萬物諸般、亦是神天上帝所賜、而供世人之用、而萬國之人、雖如海上沙之多、地上塵之衆、皆從一人之血脉而出、而普地面之上、裁截分定、各人居住於何處、又於何時而生、何日而死、皆係神天定命之、而我世人亦要尋索神天、則離之不遠、而凡崇敬之者、心靈尊愛之、而神天卽在也。

論神所愛之人、則以災禍警責之

聖保羅曰、蓋神所愛者、則責之、又所接之子、則鞭之、汝若是

忍責故神待爾如子蓋何有父所不責之子乎

希比雷篇
十二章六
七節

此保羅之言云、人生天地之間、宇宙之內、善惡之人、兩者不能並立、故在世界之上、凡有敬信救世主耶穌福音之道、遵守神天聖誠而行者、屢受惡人之害、或被人欺侮、或被人毀謗、或被人冤屈、或被人陷害、誣告而受官刑拷打者、此諸般之事、免不了總有之、因爲獨遵神天之命、不能媚世從俗、是以招人毀謗、惹人怒恨也。但誠信福音之道、樂於善義者、凡遇諸般艱難時、不以此爲憂、惟恐不能守其正、惟凡事聽命於神天、若遇了艱

難之時、則忍耐順受而當之、乃思想自己日夕之行爲、必有不
合理之事、因神天愛我、致使苦楚難爲我、責罰我、欲令我知罪
可速悔改、不致犯大惡之意、又欲我更加善義、而增修其德、若
能忍苦難凜、遵神天之命、勤修善德、而神天亦待我等如兒子
一般、蓋神天若接之、收爲義子者、略有惡處、必以禍難而警責
之、欲其知過而可改之、免至沈溺於惡路、而失靈魂之救、苦禍
無了期也。且神天令善義之人、受艱難苦楚之憂、正如人之父
母、見其兒子不守本分、不聽教訓、不遵所命、故父母只嘖嚇而

羞罵之。如更不聽教訓，則拷打而苦磨之。是必要令兒子改變
爲善而行正道。爲父母者，纔能心安意願。故神天令世間善義
之人受苦難之意，亦是如此。蓋欲戒其安逸自適，恐惡慾必遂
生。故令其知過自改，謹慎於言行者，則後來纔能得安樂之納
福。如遇艱苦之事，則發怨恨之心，而妄言亂作，不能忍耐之者，
卽半途而廢，是亦自害而已矣。所謂君子固窮，小人窮斯濫矣。
是故欲爲善義者，必要存心守之。雖刀斧加身，惟知神天之命
是遵，不知艱難苦楚之害如此者，誠爲神天所悅之人而過來。

生其靈魂必永享無窮之樂也。

論得天福非獨以善言乃要有善德

聖保羅曰蓋神國不在言而在德矣。

此保羅之言云神天之國卽是天堂聖潔安樂之所並無絲毫穢濁點染之污乃光如太陽明如月亮清如琉璃白如雪之花沒日夜之分常如白晝一般永遠光明矣。夫如此清淨之堂必要有如此聖潔之人方能得居住之蓋神天乃係至德之至至聖之極若非至善之人豈能望得居之乎故凡欲居天上之聖

可林多篇
一書四章
二十節

堂者、必要敬信救世主代贖罪之功、以其受難之寶血、聖潔我
們罪身之污、而我們在世界之上、日夕存心守善義之道而行、
日積月累、久而行之不厭、樂善不倦、則有天爵之德、而至死亦
不改善者、尤要倚賴救世主耶穌之功德、而天上之聖堂、可以
能居住之、苟有信救世主耶穌之名、又能以真道教訓於人、而
無善義之德者、徒有虛名之稱、誠無善行之德、如此者、天堂之
路、其雖得知、但可惜不能走於其途矣。夫豈能坐得天上之聖
堂者哉。是以欲要居之者、必守仁愛之德、乃以守身行之、不獨

以口言而已、須言行相符、存心積善、謹慎修德、自始至終、不聞斷之者、則能謹之於始、亦可全其至終、而於來生天堂之樂、亦將見之矣。但能講道德之言、而不能行之者、正如栽種遍地荆棘、癡癡然而望收嘉禾、豈不謬哉、亦終必忘而已矣。

論人肉身死了於世盡仍復生活

聖保羅曰、若死不復活、有何益、吾輩且飲且食、明日將死矣、汝勿受蠱惑、蓋惡談壞善習、

此保羅說道復活之理、最難詳釋其義、且人亦甚難明其意、因

可林多篇
一書十五

這道理之旨奧妙之至、精微之極、然雖真理蘊奧、亦由人心虛
衷悅之與不悅之耳。夫復活之義、非人愚意推論之理、誠由神
天令救世主耶穌降世、宣諭而得知、且救世主耶穌在世上之
時、曾令死者能得復生、卽救世主耶穌亦死了三晝夜、埋在地
穴、然後復生活而昇天堂之上、故這復活之道、不獨有理可推、
而且有憑據可印證之、蓋這復活之意、言人肉身雖死、而世盡
時必復生、與靈再合、以致可享受賞罰之報、如菽粟種子一般、
死於坭潭之內、而復生活於地面之上、以致各隨其種之好歹、

而結其實之美惡也。人之靈身復活亦然。善者得賞美福。惡者受罰永禍。而善惡賞罰之報亦不是爽言之而已。假如人死卽沒。則那些戒謹恐懼。臨深淵履薄冰。守身慎獨之君子。作此情態。有何益乎。且有飲卽放肆而飲。有食乃任意而食。蓋今日生在世間。而明日卽死而沒。復有何憂乎。如此之惡。談最容易。蠱惑人心。壞人之善念者。誠陷害善心之人矣。凡爲人者。務以守身自持。凡動止語默。常若神天鑒臨。念茲在茲。無一念敢忽。則此心必不忘於善義之道。而德亦日日新矣。如此至來生復活。

之時必不失永福之賞安樂之極矣。苟或昏昧蔽惑不知善德之所宜自陷其身於不善則禍自作罪必自受豈得而逃脫之乎。迨至來生復活之日則永禍自作之苦自當甘受無辭而善惡賞罰之報亦必不爽言之矣。

論救世真經福道之言必應驗不廢

救世主曰、天地可廢、惟我之言不可廢矣。

此救世主教授其門徒說道、你們看這世界上、何等廣大精微、豐厚且萬物如此之多、飛禽走獸如此之盛、鱗介草木如此

繁殖而生、並普天下萬國之人、如此之衆、萬物各適其用、各國有各國之繁華、各人有各人之才美、而各國之人、亦日夕紛紛貿易不斷、日則不足、夜以繼之、男婚女嫁、鬧熱喧譁、爭強奪勝、說之不盡之事、寫之無窮無盡之美、夫世界雖然如此繁華之極、美尚、有終窮廢盡之日、惟我教你們真理之言、句句誠實、字字奧妙、隱藏不測、雖千百萬代之世界、一字一句、必得應驗、終不能廢之、不應驗矣。惟你們切要畱心記念之、倘若不畱心、而或失之、則必受邪道蠱惑、而你們之禍、亦無了日矣。蓋將來必

有偽教之師、而以邪言異端、誘惑世上之人、而世上之人、亦必被迷惑、欣悅而從之、惟你們謹慎守我之言、終始如一、而不改變之者、必得靈魂之救、我且確實說與你們知之、現在之世界、不過待等我已所言諸情、將來俱得應驗而成之後、這世界上之人、必有大艱難之極、從世界初創之始、至如今之世界、不能可比之苦、又將來之世界、亦不能比之之憂也。蓋該日該時之災難、無人知之、天上各神使侍奉於神天之前者、亦不能知、獨神天知之而已。故凡誠信救世主耶穌者、恆心忍耐、遵從救世

主遺傳之言而行之、必不失靈魂之救、更兼得安樂之心、而無
憂慮之患、蓋你們豈可忽略乎哉。

論禽獸各樣食物皆可食之、不宜分別

聖保羅曰、蓋神凡所造之物、悉善也。且凡人以頌謝而受用
之、弗可棄也。

此保羅說道、天壤之間、普地之上、生物之豐富、皆係備爲世人
日夕所用、且走獸鱗介、龜鼈諸種異味之物、悉供世人所用、而
世上乃有等愚昧之人、將各樣禽獸鱗介之肉、分別有些說隨

弟麼氏篇
一書四章
四節

人之意、可以食之、而有些戒人不可食之、若食之、則說有罪、或說若食此物之肉者、死後轉世托生、必變爲禽獸之樣、出世爲禽獸矣。夫世界之上、所有飛潛動植之物、悉係神天造生而長養之、均屬善物、不論飛禽走獸、鱗介龜鼈、皆任人而食之、但人若受用獲而享之者、乃要知神天盛賜與人享用之大恩、可感謝而受用之、讚頌神天之大恩、則享之無盡矣。切不可揀擇而棄之、耗變神天之物、辜負神天之恩、正是有罪之人、是以不可棄之、乃頌謝而受用之可也。惟不可以神天所賜之恩惠、乃向

那些坭塑木雕神佛之像、無知無識之蠢物、而感謝之、却是欺神天之極、其罪甚大、生前若不罰其罪、死後亦必究之、決不姑恕之矣。又人凡得之好物、莫說是自己之才能而得之、又勿說是己之工夫而作之、蓋人之兩眼雖然精明、能視各物、若神天不出太陽及星宿掛在天空之下、必黑暗無光、兩眼雖然精明、能視各物、亦無地可施、此正是滅人驕傲之心、而知人雖有才、能超衆技藝奇巧、若無太陽之光、亦無所施、自己毫無能幹、故凡得之好物、皆係神天所賜、本當感謝而受用之、致不辜負神

天之大恩也而爲人者豈敢不尊敬之歟。

論人勿獨望衣食乃敬信天父作善義爲先

救世主曰故你們勿望慮云我將何可食將何可飲將以何得穿此諸物爲各國不信真理者所尋惟神父在天者識你們需此諸物也。

此救世主教訓衆門弟子說道你們在世上之時不須千思萬慮謀算各樣飲食之事各樣衣着之物蓋世上之人不肯敬信真道是以紛紛獨慕衣食之事且今日有了衣食又算明日而

明日有了、又算明年、而明年有了、又算後來之年月、自己一生
之年月、固然日夕思忖、又要謀算兒子之衣食、謀了兒子衣食、
更兼又要思慮孫子之衣食、月月年年朝夕時刻、都係如此打
算、如此謀慮、這三件事、有了這三件事之外、乃謀長久長遠之
世代、有一日算一日、有一年謀一年、把世界之事、算得許長久
一般、此無他、只因世上之人、不識真道之理、不知本末之義、故
此以末爲本、以本爲末、殊不知人之生命、最長久不出百年之
外、以數十年之世界、認爲長久、把至寶貝靈魂、永遠之生命、付

之罔聞、豈不是以末爲本、而把本爲末乎。但你們識本末者、切要留心追究其本末精妙之義、慎思之、篤行之、務求言行相合、動止語默、不出乎真義之道。至於日用飲食衣服等類、你們雖不尋之、而神父在天者、知你們必須要此諸物所用、必賜與你們、不致缺少之。惟你們不可因之、而缺義善之德。乃有生命一日、亦要遵守聖誡而行之、勿缺少、勿歇息、勿勤始而怠終。雖至死、亦不可缺善義之德。惟圖永遠安樂之國也。

論真道福音宜到該處衆人應該敬信求福免禍

羅馬篇第
十章十三
十四節

聖保羅曰。蓋凡呼求厥名者。必得救也。且衆未信之。何以呼求之乎。又未聞之。何以信之乎。且未宣教者。何以聞乎。

此保羅說道。救世福音之言。乃由神天賜救世主耶穌降世。傳授教誨。世上之人。然而凡誠心敬信之者。必得寶貝靈魂之救。夫如是。凡欲求寶貝靈魂得救者。若得知救世福音真道之時。卽傾心敬信之。立改從前之非。遵着救世真道而行。倚賴救世主耶穌代贖罪之功。呼求救世主耶穌之名。必得諸罪之赦。而寶貝之靈魂。纔能可望得救。若雖聽福音救世之道。明知其義。

乃不肯棄除自己舊日之惡端、偏要貼從風俗之規矩、跟隨衆人之私意而行、如此卽是越積惡意、陷害自己寶貝靈魂之至矣。蓋不知不聞救世福音真道之時、固不能信之、罪有可容、且已聽之而明知之後、又不肯信之者、罪則加倍矣。夫救世福音真道必定播散傳揚在於普天下萬國之中、然所到之處、不論富貴貧窮之人、凡得知之者、信與不信、在於人之心、但肯悔罪、敬信之、呼求救世主耶穌之名者、必得寶貝靈魂之救、不知自罪而悞逆之者、其寶貝之靈魂亦弗能得救也。此救世福音真

道由神天令救世主傳諭世界上之人。是以世界上萬國之人。凡得知之者。皆當敬信凜遵而行之。如違之者。罪不姑寬。正如皇上降下聖諭一般。頒行於天下各省之內。人人俱要遵守而行。若有犯之者。必懲治其罪。夫皇上之聖諭。傳與各省之人。尙要遵守。固不敢犯之。而神天上帝。乃係萬國之主。各皇之皇。降下福音聖諭。令世人敬信遵守而行之。乃不肯遵信之。尤反違逆之者。豈無罪乎。故我們世人敬信之者。則爲福。悞逆之者。自召禍矣。蓋有等人偏執不肯敬信之者。雖然生前或者不罰其

罪但至死後其之苦禍豈能得逃脫哉。

論宣講福音不圖人喜悅惟恭敬奉命播傳之

聖保羅曰吾乃依神准吾儕以受福音之託吾欽此而講非求悅於人乃於神試吾心者。

此保羅說道我們宣傳救世福音之道非是照人之意而傳之乃遵依神天之奧旨准令我們宣講之則敢播傳之矣。夫救世福音之義亦非以人愚意推論之詞乃受救世主託付我明其義是以我寅夜欽崇恭敬而宣講之以致凡所至之地方不論

君民人等、富貴貧賤之人、皆照本文之義而傳諭之、不是宣講
上等人之時、誠恐照本文之意、有觸犯上等人之心、遂把其義
更改之、順着上等人之意、又教中等人之時、亦恐本文之意、有
犯風俗之規矩、遂分別而宣諭之、又教下等人之時、又非以順
利順人情之言語、招人耳目、悅人、之意、誘人信從、蓋我們宣傳
福音之道、不分甚麼人等、只是遵着神天之旨意、依真經之義
而講之、不求人悅意、與不悅意、亦未敢以阿諛之語、要人歡喜、
惟遵於神天之旨、曾試過我之心、而知我之意、願者、至於信與

不信、乃在乎人之心願、不過盡我本分之事、應該宣傳教人而已矣。且我爲何受了許多艱難苦楚、尙要終日不息、而到處傳講之者、誠因甚願衆人皆得寶貝靈魂之救免、致死後要受永遠之苦、感發我們愛他人如自己之德而已。

聖經羅馬篇十二章全旨

世界之上、各處衆人乎。因爲神仁愛之恩、余則懇求爾等以爾等之身靈奉獻於神、爲活之、爲聖之、爲神所悅之、犧爾等以理所當然承役事之、且勿師此世之模、乃以爾等新意自修、以智

識認神之何好、何悅、何全之旨矣。余乃照所受之恩、勸爾衆人
在世間者、勿想自高於不當、乃以自之智、以廉節隨神、分各人
篤信之量焉。卽如吾輩於一身、具備多肢、而各肢弗同一用、吾
衆亦然、共成一身、在於基督、而各互相爲肢、且吾輩隨所受之
恩、錫而得異賜、或得先知者、以誠信之例、而預言、或得役事神
之職者、卽供役、或得教訓者、卽教訓、勸人者、卽勸、用錢財而賙
濟人者、以淳厚樸實之心、而濟、長管神之聖事者、以憂慮爲心、
哀矜者、以歡愛、人應該毋詐僞之心、恨惡從善、以弟兄之愛相

疼、以禮貌相待爲先、辦事無怠、以熱心尊事

上主、以望靈魂得救爲喜、以忍耐當遇患難之時、恆務祈禱求
神垂憐、通共諸聖善人欠缺之需、專務舍旅之客、祝伊捕害爾
等者、並祝咒詛爾者、與喜輩同喜、與泣輩同泣、偕同一見、弗味
高傲之意、乃以謙卑之心爲足、勿以自爲智、毋以惡還惡、積善
於衆人之前、與衆人若可相和、卽盡汝分相和、世上衆人乎、勿
自報仇、乃寬處於怒、蓋聖經云、神爺火華曰、報仇乃屬神、凡害
人者、神必報之、且爾之仇、若饑爾施之食、若渴爾施之飲、如是

行、爾似將滾湯而潑雪、爾等勿被惡慾克勝於惡、乃以善義克勝惡矣。

第十三章全旨

各有靈志者、皆宜敬伏上權、蓋權無非由神、且所有權者、皆神命之、是以抗權者、抗神之例、且伊抗者、自取罪罰、蓋諸宗不令懼於善行、乃於惡、爾等欲弗懼權、卽行善而獲其褒、蓋其爲神之吏、以助爾等爲善、然若爾行惡、宜懼、蓋其執刀、非虛、其乃神之吏、以討罰行惡者、是以爾等必屬伏、不惟以免罰、且以安心。

因此爾等亦納糧、蓋伊等爲神之吏、常供是役也。爾等則與各人所該宜還、該糧卽還糧、該稅卽還稅、該懼卽懼、該敬卽敬、勿遺欠、該負他人之債、惟以相愛、蓋相愛者已成律、因諸誡、勿奸、勿殺、勿偷、勿妄證、皆括於此、卽爾等愛隣人如己之言、隣人之愛不行、所以律之全成、卽在於愛、且此因知吾儕眠醒起之時已至、蓋吾等之救、如今比初信之際已越、近夜已退、日將到矣。則宜除夜行而着光甲、我等宜貞行如對皎日、弗於饕及醉、弗於室及邪、勿於爭及妒、乃汝等當衣着救主基督之福道而

行不要具備爲肉身之邪惡致行其諸般邪慾矣。

論天火燒滅兩城淫慾男色女色之人

昔在上古之世西域地方有兩座城池一座名喚所多馬一座名喚我摩拉此兩城之人上不敬畏神天上帝下不遵聖人之言又不聽善人勸教無法無天終日無所不爲不拘所做之事業邪正與否都不計論惟利是圖往來交接姦淫邪盜盡欲而爲口不道忠信之言心不懷一毫善念羣居則比論男色女色之淫樂獨處則作春意淫情任意任慾日夜不分正是口不敢

言字不敢書總總惡端、不敢細述比之禽獸尤不相肖也。此兩城之中、獨有一個善義之人、姓羅名得、敬畏神天上帝、守真道而行、不敢胡爲妄作、獨行其志、不入惡類之羣、是以受衆惡類之讒毀不已、蓋斯義人住此惡城之間、終日憂心悄悄、尙且不免愠怨於羣小、故此其身靈愁悼、終日不安、誠是磨憂厥義靈魂之至也。雖然如此、但神天上帝獨垂憐看顧之、故此神天上帝已見這兩城之人惡逆已極、不由不滅之、是以定了旨意、令天火燒滅這兩座城池、連人並物、寸土不留、一些盡滅、連地亦

燒變爲湖、獨令神使救出羅得、夫妻父女四人、蓋神使救他四
人出城之時、曾囑咐羅得、切不可望轉背後、惟羅得之妻、因不
遵信神使之命、回頭望轉背後、卽時變爲鹽柱、獨羅得父女三
人、遵神使之命、不敢望轉背後、獲神之恩、救護出此惡城、不同
惡類受敗、警戒後世代之人、日夕專心作惡者、卽時天未必降
災禍、刑罰之、或遲早報之不定、但斷不肯赦恕惡人之罪、大概
今世報應甚少、惟肉身死了之後、善惡之報、絲毫亦必賞罰其
靈魂、是以凡爲善義之人、切勿以現在之禍福爲真報應之兆、

乃恆心忍耐候所望真樂永福也。卽如所多馬及我摩拉兩城
衆惡逆之徒滿城上下之人終日任意任慾作惡不休上行下
效互相爲惡迨至罪惡滿盈之日致受天火燒滅其肉身燒敗
之後靈魂還要永受地獄之苦故凡專心爲惡逆者冀宜慎思
之切勿自謂天不能刑罰惡人之罪也。

聖經者米士篇

第五章全旨


爾等富貴的人休息固恃之心因上來之辛苦爾將泣號哭矣。


爾等之財帛已壞了、爾等之衣服已被虫吃、爾金與銀子已生
鏽、且其之鏽將爲證攻爾、又將如火而食爾肉、爾因爲末日而
聚埋財帛、却工人割禾之工錢、爾所偏畱在手不出者、號呼、又
伊割禾之呼、已進神爺火華之耳、爾等在地以行淫樂過生、你
們養心如於宰牛羊之日一般、爾等將義者定罪及殺之、且彼
不攻擊你們、故此凡事神之衆人乎、宜用忍耐、等待救主將到、
你看農夫而爲之常用忍、至得早遲之雨、等待地結其寶實、爾
等亦爲忍耐、堅爾心、蓋救主之臨將近、世上衆人乎、不要相讒、

你看審者到門前、衆世人乎、將先知師以救主之名而講者、卽把伊受苦忍耐之心而效法之、夫伊恆忍者、我們算是享福、爾等聞若百之忍、且見過神爺火華之後、神爺火華卽甚爲恤及哀憐而行之、惟我們世上衆人乎、凡事之最要勿發誓、或以天或以地、或別誓皆無、乃你們講是卽是、否卽否、恐不然、爾則坐罪、爾等中有受難者、其應祈禱求神、有快樂者、其應吟神詩、有染病者、其應請道德老輩來、爲代彼祈禱求神時、以救主之名而傅油之、且誠信祈禱求神、將救有病者、救主將使他起身、或

向來有犯罪於汝者、卽赦之、爾等相認過錯、相代祈禱求神、以致爾等得病之痊、義人專心熱祈禱求神、大有能、以來者比我們爲同情的人、其懇祈求神、欲不下雨、且三年六月之間、無雨下地、又其再祈求神、致天下雨、連地發其實、世上衆人乎。若是爾中有離真道錯走者、應化之、以其知離左道而化、有罪之人、乃救一靈魂不死、及遮衆罪矣。

1860, Sept. 18.
Gift of Rev.
Andrew P. Peabody,
of Cambridge.







Leangafa — ~~Ch. 30010~~